



Bases

Xixón | Cultura y Educación

El concursu Xixón Fala en 3 va consistir nuna competición, n'asturianu dafechu, onde se va presentar un tema, una idea, una investigación, un proyeutu, un problema social, etc. con munchu procura y cola mayor calidá llingüística posible énte un públicu non especializao, xeneralista y variao.

Los temes a tratar nel concursu van tener un rexistru cultu o académicu: hai que lu respetar y preparar el tema acordies con ello.

Esti concursu ofrez a la ciudadanía una ocasión única pa perfeicionar les sos aptitúes de comunicación n'asturianu, pa emplegar l'asturianu en cualesquier estaya y rexistru y pa participar nun eventu col que van algamase cotes altes de prestixu y normalización en tola comunidá asturfalante.

No que cinca al públicu, ye una perbona manera d'abrir mires y d'averezase a un conocimientu, anque seya esbozáu, de temes mui estremaos.

Van poder presentase a esti concursu personas mayores d'edá (nos apartaos A y B) y personas d'ente 14 y 18 años (nel apartáu C), **con esplicaciones comunicatives curties d'estremáu calter** y que respondan al enfotu del concursu.

- La presentación del tema habrá ser **individual**.
- Cada participante habrá esponer el tema en **3 minutos esautos**, d'una manera clara y concisa.
- La presentación habrá ser **dafechu n'asturianu** y habrá emplegase un **rexistru cultu**.
- Los temes que se van presentar divídense en **tres estayes**:

A. Temes venceyaos a la cultura y la realidad asturiana (por exemplu: antropoloxía, toponimia, baille, historia, sociollingüística, reconversión industrial, nueves formes de turismu y perspeutives de futuru, etc.).

B. Temes de divulgación, non venceyaos únicamente a Asturies (por exemplu: vida intelixente n'otros planetes, homeopatía y pseudociencia, crianza con apegu, enerxíes renovables y cambiu climáticu, etc.).

C. La mocedá fala en 3: apartáu nel que les personas de 14 a 18 años (dambos incluyíos) pueden presentar temes tanto de cultura y realidad asturiana como de divulgación.

Tien qu'haber un **mínimu de 3 participantes** inscritos pa qu'una **estaya** se lleve alantre; sinón, va declarase **erma**.

Xixón | Cultura y Educación

Bases



- ⌚ La participación nesti concursu ye **de baldre** y supón l'aceutación de tolos puntos incluyíos nestes bases.
- ⌚ Cada participante puede presentar **un único tema**.
- ⌚ Les personas que quieran participar habrán presentar la **solicitú de participación**, formalizada d'alcuerdu col **formulariu** que s'axunta como Anexu a estes bases, nel **Rexistru Electrónico** operativu les 24 hores del día, nel Rexistru de la Fundación Municipal de Cultura, Educación y Universidá Popular (C/ Xovellanos, 21 baxu, Xixón, 33201 n'horariu de llunes a viernes de 9:00 a 14:00 hores) o na Rede Municipal d'Oficines d'Atención a la Ciudadanía del Conceyu de Xixón, amás de nos sitios conseñaos nel artículo 16.4 de la Llei 39/2015, de 1 d'ochobre del procedimientu alministrativu común de les alministraciones públiques (BOE 2/10/2015).
- ⌚ El plazu de presentación de solicitúes pa participar nel concursu ábrese'l **8 d'agostu** y remata'l **5 de setiembre 2022 a les 00.00 h.**
- ⌚ Van ser **automáticamente descalificaos** pol comité organizador los **temes** que faigan apoloxía del racismu, de la xenofobia, de la violencia de cualesquier tribu, de delitos de cualesquier tipu o que discriminen a otres persones por mor de sexu, xéneru, identidá, ideoloxía, relixón, minoría étnica o social, etc.
- ⌚ El comité organizador, n'esaminando la solicitú de participación, va comunicar l'**aceutación o denegación** de la mesma a la persona interesada.
- ⌚ L'**actu públicu** de presentación de los temes va ser el **sábadu 17 de setiembre** nel **Salón d'Actos del Centru de Cultura Antiguu Institutu (C/Xovellanos, 21)**, a les **11.00 horas**.

Acordies colos encamientos conseñaos pola Direición Xeneral de Salú Pública del Principáu d'Asturies recordamos que toes aquelles personas que tengan síntomes compatibles col Covid-19 o tean n'aislamientu o cuarentena nun han asistir al concursu Xixón Fala en 3.

- ⌚ Va ser **motivu d'esclusión** nel momentu de la presentación del tema:
 - Nun emplegar l'asturianu, nun rexistru cultu, na presentación del tema.
 - Esponer un tema que nun se correspuenda col previamente aprobáu pol comité organizador.
 - Lleer íntegramente'l testu.
 - Pasase del tiempu o nun llegar (si son 15 segundos de más o de menos respeuto a los 3 minutos, va penalizase a la hora de les puntuaciones namás).
- ⌚ El **xuráu** va tar formáu pol Conceyal de Cultura de Xixón o persona en quien delegue, un/a representante de l'Academia de la Llingua Asturiana, un/a representante de la Universidá d'Uviéu, un/a representante de Política Llingüística del Principáu d'Asturies, una representante de la Oficina de Normalización Llingüística de Xixón y una persona venceyada al mundu de la comunicación. El so fallu va ser irrevocable. El premiu podría quedar ermu, si asina lo decidiera'l xuráu.
- ⌚ El **xuráu va valorar** tanto la calidá espositiva y la capacidá de síntesis como la calidá llingüística, la oratoria y la capacidá de comunicación de les personas participantes.
- ⌚ Les **deliberaciones del xuráu** van tener llugar n'acabando toles presentaciones de cada estaya, y van ser de calter priváu.
- ⌚ Si la persona participante emplega **hasta 15 segundos de más o de menos** respeuto a los 3 minutos que tien pa presentar el tema (esto ye, 3'15" como tiempu máximu y 2'45" como tiempu mínimo) **nun va ser descalificada por ello**. Va quitáse-y 1 puntu sobre la valoración final del xuráu (la puntuación máxima ye un 10).
- ⌚ Van concedese **tres premios en cada estaya (A, B y C):**
1^{er} premiu: 600 €, 2^º premiu: 275 € y 3^{er} premiu: 125 €.
- ⌚ El desarrollu del concursu va tar suxetu a la evolución de la pandemia, cumpliendo siempre cola normativa vixente venceyada al Covid-19.